

Consellería de Educación e Ordenación
Universitaria

Orde do 30 de marzo de 1992 pola que se regulamenta a mobilidade dos funcionarios pertencentes ó corpo de mestres nos propios centros por incremento de postos de traballo no centro en calquera área ou especialidade.

Por orde do 9 de xullo de 1991 (DOG do 14 de agosto) regulouse na Comunidade Autónoma de Galicia a mobilidade dos funcionarios pertencentes ó corpo de mestres nos propios centros, tanto por incremento de postos de traballo, como por existencia de vacantes producidas por xubilacións, concursos específicos que supuxesen a perda do posto de traballo ou por calquera outra razón.

O Real decreto 1.664/1991, do 8 de novembro (BOE do 22 de novembro), polo que se modifica o Real decreto 895/1989, do 14 de xullo, inclúe dentro do propio concurso de traslados o proceso de mobilidade dos profesores no seu centro de destino con ocasión de vacante ou resulta.

Faise necesaria, en consecuencia, a revisión da orde do 9 de xullo de 1991, fixando o procedemento de mobilidade no centro no suposto de incremento de postos de traballo unicamente, ó se consideraren o resto dos supostos que na devandita orde se incluían dentro da propia convocatoria dos concursos de traslados.

En consecuencia, esta consellería dispón:

1º —Os profesores con destino definitivo no centro poderán solicita-la súa adscrición a postos de traballo deste, como consecuencia de incremento de postos de traballo, nas condicións e cos requisitos que se sinalan a seguir.

Para os efectos da presente orde enténdese por incremento de postos de traballo o aumento do número de postos catalogados en calquera área ou especialidade, independentemente de que o número total de postos de traballo do centro puidese diminuír como consecuencia das supresións efectuadas.

2º —As delegacións provinciais, unha vez publicado no *Diario Oficial de Galicia* o catálogo de postos de traballo dun centro que supoña incremento de postos nalguna área ou especialidade, comunicaranlle ó centro afectado o perfil do posto ou postos incrementados. O prazo para a solicitude dos devanditos postos será de 10 días naturais a partir do 15 de maio de cada ano.

3º —1. Poderán solicitar estes postos tódolos profesores con destino definitivo no centro, agás os adscritos a postos de educación de adultos en centros de EXB que contén coa oportuna habilitación e accedesen ó centro por concursos anteriores ó convocado no curso 1990-1991, sempre que non tivesen obtido novo posto

de traballo nel como consecuencia do proceso regulado na presente orde ou do desenvolvido ó abeiro do punto 5 da orde do 9 de xullo de 1991.

2. Non obstante o anterior, poderán solicitalos os profesores que, permanecendo no centro sen adscrición a posto de traballo como consecuencia da orde do 22 de maio de 1990, quedaron adscritos a postos para os que non reúnen o requisito de habilitación en procesos posteriores.

4º —O procedemento que se seguirá neste proceso de adscrición será o seguinte:

a) Os profesores só poderán solicitar postos para os que estean habilitados, agás os profesores con destino definitivo no centro que permanecen nel sen adscrición a posto de traballo, que poderán solicitar ademais postos para os que non están habilitados.

b) A adscrición levarase a cabo tendo en conta os criterios prioritarios seguintes e respectando sempre a orde de preferencia manifestada polo profesorado:

1. Antigüidade como propietario definitivo no centro no que se solicita.

2. En caso de empate no punto anterior, tempo de servizos no corpo de mestres, como funcionario de carreira.

3. No caso de persistir-lo empate, menor número de rexistro de persoal ou de orde de lista, se é o caso.

5º —Para efectos de antigüidade no centro computarase o tempo de permanencia en servizos especiais, comisión de servizos e outras situacións administrativas que non supuxesen a perda do destino definitivo.

6º —A adscrición ós postos de traballo vacantes farase en orde decrecente, empezando polo profesor de maior antigüidade no centro de entre os solicitantes. Os profesores que permanecen no centro sen adscrición a posto de traballo serán adscritos de acordo co procedemento establecido no punto 13º da orde do 22 de maio de 1990.

7º —Cubriranse os postos incrementados e as resultas que se produzan como consecuencia do presente proceso de mobilidade.

8º —Solicitudes.

1. Presentarase ante a dirección do centro unha solicitude, conforme o modelo do anexo I.

2. Xuntaráselle á solicitude a certificación de habilitación expedida pola delegación provincial, así como a certificación de antigüidade con destino definitivo no centro e o tempo de servizos como funcionario de carreira no corpo de mestres, así como o número de rexistro de persoal e o número de lista, se é o caso.

3. As solicitudes e documentación presentaranse no centro, en sobre pechado, dirixido ó director e no que conste claramente a expresión: «Adscrición a postos de traballo».

9º —Comisión de adscrición.

En cada centro constituirase unha comisión, presidida polo director e integrada polos profesores de maior e menor idade, con destino definitivo no centro, que desenvolverá as seguintes funcións en cada un dos procesos regulados na presente orde:

1. a) Abrir tódolos sobres nun único acto público, ó que poderán asistir tódolos profesores con destino no centro e proceder, na súa presenza, á lectura dos documentos que conteñen.

b) Ordenar tódalas solicitudes, de acordo cos criterios fixados no punto 4.b).

c) Á vista dos postos vacantes, adjudica-los distintos postos, de acordo coas prioridades establecidas na súa solicitude por cada profesor e tendo en conta o procedemento establecido no punto 6º.

2. Rematado o proceso, a comisión procederá a cubri-lo anexo II, especificando os profesores participantes, os profesores adscritos ós distintos postos e as vacantes resultantes.

3. O director do centro convocará os profesores con destino no centro a unha reunión, co fin de informar do traballo desenvolvido pola comisión e dar lectura ó anexo, e procederá, a continuación, á exposición dunha copia selada do devandito anexo no taboleiro do centro, no prazo máximo de 5 días desde o remate do prazo de presentación de solicitudes.

10º —Reclamacións.

1. O profesorado poderá presentar reclamacións contra a súa adscrición, perante a dirección do centro, no prazo de 10 días naturais contados desde a exposición dos anexos citados no taboleiro.

2. O director do centro remitiralle ó Servicio de Inspección, unha vez rematado o prazo de reclamacións, as solicitudes do profesorado, xunto coa fotocopia da acreditación de especialidades, as certificacións dos servizos expedidas polas delegacións, o anexo II, e as reclamacións presentadas, se é o caso.

11º —A Inspección, unha vez estudiada a totalidade da documentación, elevaralle informe ó delegado provincial, proponendo a resolución que proceda.

12º —O delegado provincial dictará a resolución correspondente e elevará a definitivo o proceso de adscrición realizado pola comisión do centro, coas modificacións derivadas das reclamacións estimadas. Así mesmo remitirá oportunamente esta resolución, segundo o modelo do anexo III, ó centro, onde se deberá expoñer no taboleiro, no momento da súa recepción, para o coñecemento dos profesores.

13º —Contra a resolución do delegado provincial poderase interpoñer recurso de alzada ante o director xeral de Educación Básica, no prazo de 15 días contados desde a exposición da resolución no taboleiro do centro.

14º —A adscrición realizada ó abeiro do establecido na presente orde terá efectos do 1 de setembro seguinte ó da súa realización.

15º —Os profesores que obteñan novo posto de traballo polo procedemento regulado na presente orde ou que o tivesen obtido ó abeiro do punto 5 da orde do 9 de xullo de 1991 non poderán participar en futuros procesos de mobilidade no centro, agás os que se atopen no suposto recollido no punto 3º.2 da presente orde.

DISPOSICIÓN DERRADEIRA

Ós profesores que obteñan novo posto de traballo polo procedemento regulado na presente orde e, pola súa vez, obteñan destino en concurso de traslados, anularáselle-lo destino obtido no devandito concurso.

DISPOSICIÓN TRANSITORIA

A adscrición realizada ó abeiro do establecido na orde do 9 de xullo de 1991 terá efectos do 1 de setembro de 1992.

DISPOSICIÓN DERROGATORIA

Queda derogada a orde do 9 de xullo de 1991 pola que se regula a mobilidade dos funcionarios pertencentes ó corpo de mestres nos propios centros.

Santiago de Compostela, 30 de marzo de 1992.

Juan Piñeiro Permuy
Conselleiro de Educación e Ordenación
Universitaria

ANEXO I

ADSCRICIÓN POR INCREMENTO DE POSTOS DE TRABAJO

Apellidos

Nome DNI:

Enderezo

Localidade concello

Provincia teléfono

Nomeamento con funcionario de carreira no corpo de mestres Día.....

Mes..... Ano..... Número de rexistro de persoal.....

Número de lista (se é o caso) ... Destino definitivo no C.P.

Localidade Concello

Provincia

Situación administrativa (1)..... Antigüidade no centro
con destino definitivo (2) Anos..... Meses..... Días.....

Tempo de servizos no corpo de mestres, como funcionario de carreira (2) Anos

Meses Días

Posto de traballo ó que está adscrito no centro

.....

SOLICITA:

I.—Ser adscrito a un posto de traballo dos que a continuación se relacionan, pola orde de preferencia sinalada, e para os que está habilitado:

- 1.—
- 2.—
- 3.—
- 4.—

Só no caso dos profesores que permanecen no centro sen adscrición a posto de traballo se cubrirán ademais os apartados seguintes.

II.—Postos de traballo para os que está habilitado e ós que non desexe ser adscrito (sinalaranse igualmente por orde de maior a menor apetencia):

- 1.—
- 2.—
- 3.—
- 4.—


III.—Postos de traballo para os que non está habilitado.

- 1.—
- 2.—
- 3.—
- 4.—



....., de..... de 199.....

O/A interesado/a



- (1) Servicio activo (SA), servicios especiais (SE), suspensión de funcións (SF), excedencia por coidado de fillos (EX).
- (2) Será cuberto pola comisión de adscrición.

ensino

ANEXO II
ADSCRICIÓN POR INCREMENTO DE POSTOS DE TRABAJO

Rematada a primeira parte do proceso de adscrición do profesorado con destino definitivo, celebrado no C.P.....
da localidade
concello
ó abeiro do establecido na orde
de 1992, coa participación de don/a
director/a do centro e de don/a
profesores definitivos de maior e menor idade, respectivamente, do mesmo centro, actuando este/a último/a como secretario/a, certifica:

1º —Que solicitaron a adscrición os seguintes profesores:

Don/a
Don/a
Don/a

2º —Que, como resultado das solicitudes presentadas e, por reuni-los requisitos precisos, se propón a adscrición de:

Don/a con DNI
ó posto de
Don/a con DNI
ó posto de
Don/a con DNI
ó posto de

3º —Só no caso dos profsores que permanecían no centro sen adscrición ó posto de traballo:

a) Que como resultado das solicitudes presentadas na parte I e por reuni-los requisitos precisos se propón a adscrición de:

Don/a con DNI
ó posto de
Don/a con DNI
ó posto de
Don/a con DNI
ó posto de

b) Que como resultado das solicitudes presentadas na parte II e por reuni-los requisitos precisos, proponse a adscrición de:

Don/a con DNI
ó posto de
Don/a con DNI
ó posto de
Don/a con DNI
ó posto de

c) Que, por non existiren vacantes para as que reúnan os requisitos e atendendo ás solicitudes da parte III, propónse a adscrición de:

Don/a con DNI

ó posto de

Don/a con DNI

ó posto de

Don/a con DNI

ó posto de

4º —Que rematado o proceso, resultan as seguintes vacantes, correspondentes ós postos que se indican:

Posto de

Posto de

Posto de


....., de de 1992

O secretario da comisión



Visto e prace

O director do centro



ensino